



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

LXXX. De Jurisdictione Vicarior. in Anglia.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Marie in diversis pariter Locis pro cuiusvis Status Christifidelibus pia eorumdem Fratrum cura propagatam, itidem canonicè redactæ fuerint; Confratres vero, & Conforores Confraternitatis huiusmodi, quæ etiam alicubi Conceptionis ipsius Beatissimæ Virginis Mariæ, frequentius vero Sanctissimi Corporis Christi Confraternitas denominatur, ac inter peculiare memorati Ordinis Confraternitates recensetur, inter cetera pietatis, & Christianæ charitatis opera, quibus incumbere consueverunt, tam ex primævo primodiæarum duarum Confraternitatum, quam proprio Instituto, circa venerationem, & cultum prædicti Sanctissimi Eucharistiæ Sacramenti non minus ac illi, qui Confraternitatibus sub titulo ejusdem Sanctissimi Corporis Christi, ubi vis erectis adscripti reperiuntur se exercent, illud potissimum pie, ac devotè comitando cum ad Infirmos, vel alias in Processionibus circumferunt, ac proinde exponentes præfati, ut eorumdem Confratrum, & Confororum, pietas, ac devotio erga Sacratissimum hoc salutis nostræ pignus magis, magisque in dies incitetur, illos Indulgentiarum, & aliarum gratiarum Spiritualium, quibus prædictæ Sanctissimi Corporis Christi Confraternitates in vim Decreti præinserti, ejusque confirmatoriarum Innocentii Prædecessoris Literarum huiusmodi fruuntur, participes fieri plurimum desiderent: Nos piis eorumdem Exponentium votis hac in re quantum cum Domino possumus, benigne annuere volentes, & illorum singulares personas a quibusvis excommunicationis, suspensionis, & interdictionis, aliisque Ecclesiasticis Sententiis, Censuris, & pœnis a Jure, vel ab homine quavis occasione, vel causa latis si quibus quomodolibet innodata existunt, ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, omnes, & singulas Indulgentias, & peccatorum remissiones, ac penitentiarum relaxationes, aliasque gratias Spirituales, quibus Confratres, & Conforores Confraternitatum sub præfato titulo Sanctissimi Corporis Christi, ubique locorum Apostolica, vel Ordinaria auctoritate erectarum, & erigendarum per Decretum præinsertum, ejusque confirmatorias Innocentii Prædecessoris Literas supradictas uti, frui, & gaudere posse, ut præfertur, declaratum fuit, ad Confraternitates sub memorato titulo decem Virutum, seu decem Beneplacitorum ejusdem Beatissimæ Virginis Mariæ ubique pariter Locorum opera Fratrum Fratrum canonicè hæcenus erectas, & in posterum erigendas, illarumque Confratres, & Conforores dummodo tamen ea, quæ pro consequendis Indulgentiis, seu peccatorum remissionibus, ac penitentiarum relaxationibus, aliisque gratiis Spiritualibus huiusmodi præscripta sunt, seu pro tempore fuerint, adimpleant, auctoritate Apostolica tenore præsentium in perpetuum extendimus, & ampliamus.

Extensio prædicta.

Clausula.

§. 4. Non obstantibus nostra de non concedendis Indulgentiis ad instar, aliisque Constitutionibus, & Ordinationibus Apostolicis, cæterisque contrariis quibuscumque.
§. 5. Volumus autem, ut earundem præsentium Literarum, transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum tam in iudicio, quam extra illud habeatur, quæ haberetur ipsis præsentibus, si forent exhibitæ, vel ostensæ.
Datum Romæ apud Sanctam Mariam Majorem sub Annulo Picatoris die IV. Octobris MDCXCVI, Pontificatus nost. An. Sexto.

Confirmantur Decreta Congregationis particularis circa jurisdictionem Vicariorum in Anglia contra Regulares.

Inn. XI. Const. ed. 1681. Maji 20. P. 5. legitur lis inter Episcopum Meckinam, & Regulares. Et hujus Pontificis Const. sequenti plures Provincie Regni Sinarum committuntur Vicariis Apostolicis.

INNOCENTIUS PAPA XII.

Ad futuram rei memoriam.

Alias a particulari Congregatione nonnullorum ex Venerab. Fratribus Nostri S. R. E. Cardinalibus Congregationis Propagandæ Fidei negotiis, præpositæ super rebus Angliæ a Nobis specialiter deputata emanarunt super quibusdam instantis pro parte dilectorum filiorum Vicariorum Apostolicorum Regni Angliæ Nobis factis, quas una cum supplicibus libellis desuper Nobis porrectis ad eandem particularem Congregationem remisimus, Decreta tenoris, qui sequitur videlicet. Decreta Sacræ Congregationis particularis de Propaganda fide habitæ die 6. Octobris 1695. - Relatis in Congregatione Eminentissimorum DD. Cardinalium de Propaganda fide super rebus Angliæ specialiter a Sanctissimo D. Nostro Innocentio XII. deputatorum instantis Sanctitati suæ factis a Vicariis Apostolicis Angliæ in eorum libellis supplicibus tenoris sequentis videlicet: Beatissime Pater: Cum ex vi, seu occasione Privilegiorum Ordini Sancti Benedicti Congregationis Anglicanæ a Sede Apostolica concessorum, necnon prætextu Jurisdictionis, quæ ante Schisma eidem Ordini in Anglia competebar, prætendant Monachi dicti Ordinis se tanquam Vicarios Capitulares, seu ipsum Capitulum, Sede vacante habere in plerisque Regni Dicecesibus Jurisdictionem ordinariam, & hanc non cessare, ex quo Sancta Sedes eidem Regno concesserit Vicarios Apostolicos ad illas Ecclesias regendas: Cumque exinde uti experientia docuit hoc ipso sæculo oriri possint contentiones, & controversiæ hos inter, & illos regimini illorum fidelium, & propagationi fidei summopere noxiæ, præjudiciales, & scandalosæ; Idcirco supplicatur ea, quæ par est humilitate, Sanctitati vestræ, quatenus declarare dignetur cessare omnem talem præfatorum Monachorum Jurisdictionem qualicumque sit, eo ipso, quod S. Sedes Apostolica concesserit Vicarios Apostolicos in Regno Angliæ, eisque solitas facultates generaliter regendi Ecclesias sibi commissas tribuerit: uti in partibus Catholicis cessat omnis Jurisdictio Capituli, & Vicariorum Capitularium, Sede vacante, statim atque Sedes Apostolica Vicarium Apostolicum delegat ad Ecclesiam vacantem interim gubernandam: Quem favorem &c. Quam Deus &c. - Beatissime Pater. Ea, quæ par est humilitate Sanctitati vestræ exponitur plurima quotidie fidei Catholicæ præjudicia in Angliæ exoriri, ex eo quod Regulares ibidem prætendant se vigore suorum Privilegiorum ab omni Jurisdictione Vicariorum Apostolica auctoritate eidem Regno concessorum exemptos esse, & cum ex alia parte Vicarii Apostolici præfati regere non possint Ecclesias sibi commissas, nisi Regulares prædicti eis subjiciantur, saltem quoad ea, quæ Missiones, & curam animarum concernunt, quapropter Sanctitati vestræ humiliter supplicatur, ut Bullas, seu Brevia Apostolica alias ab hac Sancta Sede occasione similium controversiarum in Regno Sinarum, Indiis, & alibi exortarum emanata extendere dignetur simili Bulla, seu Brevis ad omnia Regna, & Insulas dominio

LXXX.

Dat. 5. Oct. 1696. An. 6.

Decreta prædicta.

Supplex libellus Vicariorum contra Benedictinos circa jurisdictionem ordinariam.

Alter libellus Vicariorum circa exemptionem Regularium ab eorum jurisdictione.

Sereniss.

Serenissimi Regis Magnae Britanniae subiectas. Quem favorem &c. Quam Deus &c. Sacra Congregatio re mature perpensa, & audito etiam Patre Claudio Estien.; & Procuratore Monachorum Congregationis Anglicanae Sancti Benedicti decrevit, ut infra - Quo ad primum - Per deputationem Vicariorum Apostolicorum factam in Regno Angliae a sa. me. Innocentii XI, cessasse, & cessare quancumque Jurisdictionem Capitulorum; seu Vicariorum Capitularium, tam Secularium, quam Regularium omnium Ecclesiarum ejusdem Regni, & signanter earum, quae Monachis Congregationis Anglicanae Ordinis Sancti Benedicti vigore Bullae sa. me. Urbani VIII. quae incipit, *Plantata*, seu quarumlibet aliarum Litterarum Apostolicarum, aut alias quomodolibet competere possent, durante tamen deputatione eorumdem, seu aliorum similium Vicariorum, ab Apostolica Sede quandocumque deponendum, & non alias.

Decretum I. pro Vicariis Apostolicis.

Item Decretum alterum.

Approbatio Pontificis.

Preces Vicariorum Apostolicorum.

Confirmatio relatorum Decretorum.

Clausula.

§. 1. Quo ad secundum vero censuit - Regulares quoscumque, etiam Societatis Jesu, & Congregationis Anglicanae praefatae tam circa approbationem ad Confessiones audiendas, quam circa concurrentia curam animarum, & Sacramentorum administrationem, aliaque munia Parochialia, esse subiectos Vicariis Apostolicis, in quorum districtibus eos respective commorari contigerit. Non obstantibus quo ad praemissa quibuscumque Regularium Ordinum Privilegiis, & praesertim ante dicta Bulla sa. mem. Urbani VIII. illis alias in suo robore permansuris, necnon firmis remanentibus, quo ad reliqua omnibus, & singulis privilegiis, praerogativis, & aliisque Juribus dictis Monachis Congregationis Anglicanae quomodolibet competentibus &c. Datum Romae die, & anno quibus supra - Quae quidem Decreta eadem die Sanctissimo Domino Nostro per me Secretarium infra scriptum integre relata, Sanctitas Sua benigne laudavit, & approbavit, mandavitque ab omnibus, ad quos pertinet, inviolabiliter observari - C. A. Fabronus Secretarius.

§. 2. Cum autem sicut Vicarii Apostolici praedicti Nobis nuper exponi fecerunt, ipsi Decreta hujusmodi, quo firmiter subsistant, & serventur exactius, Apostolica confirmationis nostrae patrocinio communiti plurimum desiderent. Nos specialem ipsis exponentibus gratiam facere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione vel causa latis, si quibus quomodolibet innodatae existunt, ad effectum praesentium dumtaxat consequendum harum serie absolventes, & absolutas fore censentes, supplicationibus eorum nomine Nobis, super hoc humiliter porrectis inclinatis, Decreta praesentia, ac omnia, & singula in eis contenta, & expressa, auctoritate Apostolica tenore praesentium approbamus, & confirmamus, illisque inviolabilis Apostolicae firmitatis robor adjicimus, ac omnes, & singulos Juris, & facti defectus, si qui desuper quomodolibet intervenerint, supplemus.

§. 3. Decernentes easdem praesentes Litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quandocumque spectabit in omnibus, & per omnia plenissime suffragari, & ab eis respective inviolabiliter observari. Sicque in praemissis per quoscumque Judices Ordinarios, & Delegatos, etiam Caesarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus praemissis, ac Consi-

tutionibus, & Ordinationibus Apostolicis, ceterisque contrariis quibuscumque.

§. 5. Volumus autem, ut earumdem praesentium litterarum transumptis, seu exemplis, etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique locorum tam in Judicio, quam extra illud habeatur, quae ipsis praesentibus haberetur, si forent exhibitae, vel offensa.

Datum Romae apud S. Mariam Majorem sub Annulo Piscis die V. Octobris MDCXCVI. Pontificatus Nostri Anno Sexto.

Dismembrantur plures Provinciae Regni Sinarum a Diocesis Pekinen., & Nankinen., &que committuntur Vicariis Apostolicis.

LXXXI.

Ab Alex. VIII. instituti suere Episcopatus Pekinen. & Nankinen. Const. ed. 1690. Apr. 10. P. 1. Hujus Pontificis Const. ed. 1695. Maji 16. P. 3. extat dismembratio a Diocesi Nemasen. Et Bened. XIII. Const. ed. 1725. Maji 23. P. 1. Ecclesia Eugubina subjicitur Urbinaten. De auctoritate Vicariorum in Anglia vide Const. praecedentem. Et de illa Vicariorum in Oriente vide sequentem.

INNOCENTIUS PAPA XII.

Dat. 15. Oct. 1696. An. 6.

Ad perpetuam rei memoriam.

Sublimi Sedis Apostolicae spectula, in qua Catholicae Ecclesiae per Universum Orbem diffusa regimini, meritis licet, & viribus longe impares, divina dignatione, praesidemus, mentis Nostrae oculis per quascumque agri Dominici partes jugiter circumferentes, ad ea, quae Ecclesiarum quarumlibet, praesertim Cathedralium in remotissimis ab eadem Sede regionibus erectarum statum concernunt, pastoralis vigilantiae Nostrae studia libenter convertimur; atque ut ibidem Christiana Religio feliciter in dies, aspirante superni favoris auxilio, stabilietur, & crescat, concessa Nobis a Domino potestatis partes, propensa charitate interponimus, sicut, omnibus mature consideratis, ad Omnipotentis Dei gloriam, ac Animarum salutem arbitramur in Domino expedire.

Exordium.

§. 1. Alias siquidem fel. rec. Alexander Papa VIII. praedecessor Noster, certis tunc expressis causis adductus, ac praesertim provide considerans in amplissimo Regno Sinarum, in quo Catholicam fidem latius in dies propagari acceperat, unam dumtaxat Cathedralium Ecclesiam, nempe Machaonen. quae de Jure patronatus Charissimi in Christo filii Nostri Petri Portugalliae & Algarbiorum Regis Illustris ex fundatione, vel dotatione, seu privilegio Apostolico, cui non inveniebatur eatenus in aliquo derogarum esse dignoscatur, reperiri, adeoque illius Episcopum singularum omnium cultus inspicere, aliasve boni Pastoris partes implere minime posse, supplicationibus ejusdem Petri Regis nomine sibi super hoc humiliter porrectis inclinatus, Oppida de Pekim, & de Nankim respective nuncupata in eodem Regno existentia ab ordinaria Jurisdictione tunc, & pro tempore existentis Episcopi Machaonen., auctoritate Apostolica, perpetuo segregavit, divisit, separavit, & dismembravit, illaque in Civitates, quae de Pekim, & de Nankim respective denominarentur, & in eis Ecclesias Beatissimae Virginis Mariae utrobique dicatas in Cathedralium Ecclesias sub invocatione ejusdem Beatissimae Virginis pro duobus Episcopis, uno scilicet Pekinensi, altero vero Nankinensi respective nuncupandis, qui illis praesent, ac Ecclesias ipsas ad formam Cathedra-

Referuntur erectiones duorum Episcopatum Pekinen. & Nankinen.

dranium